



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Conciliorvm Omnivm Generalivm Et Provincialivm Collectio Regia**

Ab anno MCLXXXI. ad annum MCCCXIV.

**Parisiis, 1644**

Concilivm Mospeliense Qvo Simoni Montfortiano Comiti Tolosanus comitatus, ex quo Albigenses haereticos eiecerat, datus fuit tempore Innocentii papae III. anno Domini MCCXV.

**urn:nbn:de:hbz:466:1-15974**

Relaxatio  
interdicti.

relaxavit sententiam solenniter interdicti, postquam durauerat annis sex, mensibus tribus, & diebus quatuordecim, ad irrestaurabile damnum ecclesie, tam in temporalibus quam spiritualibus. Qua relaxatione facta, gaudium per totam terram pulsando, & hymno Te Deum laudamus cantando, exortum est. Hæc de rebus in ista Synodo gestis Matthæus Paris.

ANNO  
CHRISTI  
1214.

\* CONCILIVM MONSPELIENSE  
QVO SIMONI MONTFORTIANO COMITI  
Tolosanus comitatus, ex quo Albigenſes hæreticos  
eiecerat, datus fuit tempore Innocentii papæ III. anno  
Domini MCCXV.

ANNO  
CHRISTI  
1215.

NOTA.

\* Concilium. ] Acta Concilii Bzouius in annalibus his verbis describit: Hoc eodem anno, intra quindecim dies post natalem dominicum, Petrus Beneuentanus cardinalis legatus, postquam ex comitiis Ilerdensibus, ubi in verba Iacobi regis Aragonii proceres iurarunt, reuertisset, celeberrimum Concilium apud Montempeſſulanum congregauit. Intersuere quinque archiepiscopi, nempe Narbonensis, Aquensis, Ebredunensis, Arelatensis, Auxitanus: item viginti octo episcopi, ac multi abbates, religiosi, & nobiles. In eo ex communi consilio & consensu legati & totius Concilii decretum est, ut Simoni comiti Montfortio, propter præclaram in bello aduersus Albigenſes operam nauatam, & eximia in ecclesiam Romanam virtutum merita, tota ea regio, quam armis feliciter occupauerat, tribueretur, isque dominus & princeps totius ditionis constitueretur: nisi aliter Innocentio pontifici statuere visum esset. Ea de causa Romam missus est Bernardus archiepiscopus Ebredunensis Concilii legatus cum aliis clericis, qui patrum nomine ab Innocentio postularer, ut synodale decretum ratum firmumque haberet, Simonemque dominum terrarum omnium eo sacro bello acquisitarum esse iuberet. Interim Ludouicus regis Galliarum filius, Cruce ex voto contra Albigenſes suscepta, Lugdunum venit. Sed legatus, qui in potestate sua Tolosam Narbonamque & alia hostium valida opida retinebat, non nimis Ludouici gratum aduentum habuit, quod timeret ne ille tamquam Francia princeps, ad quem directum & supremum dominium earum urbium pertinebat, aliquid contra voluntatem ipsius, qui cuncta Montfortio tradere destinauerat, attentaret. Censebat enim iure legatus nihil iuris esse Francorum regi de his statuendi: quandoquidem, ipso cessante, sola Romani pontificis industria, cum exercitu Cruce signatorum, totam eam regionem ab hæretica impietate liberaſſet. Sed tamen omnem legati metum sustulit Ludouici principis bonitas, & ingenium æqui bonique amans, qui apostolicis mandatis & legati consiliis se ubique promptum exhibuit,

ANNO  
CHRISTI  
1213.

*cum & legati Concilii opportune Roma reuertentes, literas ab Innocentio pontifice, ad Petrum cardinalem Beneuentanum, ad praelatos, & ad Simonem Montfortium detulissent, quibus auctoritate apostolica statuebat, ut opida, vrbes, terra, loca, castra, vel quae comitis Tolosani fuerant, vel quae in potestate legatorum apostolicorum essent, Simoni Montfortio traderentur, ipseque eorum custodiam, curam & administrationem cum plenaria iurisdictione, fructibus ac redditibus haberet, vsque ad Concilii generalis apud Lateranum, ad proximos dies mensis Nouembris indicti, decretum. Apostolicas literas laudibus Simonis refertas, datas Laterani quarto Nonas Aprilis, pontificatus Innocentii tertii anno decimo octauo, sive Albigensium historia capite centesimo quadragesimo octauo inseruit Petrus Monachus.*

